

Durchleuchtigster hochgeboz-
ner furst gnedigster herze als ich in meinem gemut
betracht vil wunderbarlicher grausamer erschrockē-
licher geschichtē/ bey regirung der alten großmech-
tigen furtreffenden Königen/ Keisern vñ andern
menschen/ Durch Blütuergiessen/ Serbē/ Teurüg/ Zerstdzung
Stet Land vnd lut/ auch veränderung der Reich vñ regimēt
der zeit geschēhē/ vñ gemeinlich den selben: als zu einer warnüg
furgangen vñ erschynen ein Stern mit ein langen schwantz
Comet genant/ Hab ich mich nit lenger mögen enthalten dey-
ner erleuchten großmechtigkeit zu offenbaren etlich nūwe (zum
teil erschrocklich) wunderbarliche ding/ vß den Regeln vñnd ge-
sätzen der alten Philosophen vñ hocheßarnē Sternkenner mit
yrer vßlegung/ von dem Stern mit dem schwantz des iares als
man zalt noch Christus geburt M.CCCC.VI. in den tagē des
Augustmonats/ in vnserm Clima vnd landen gesehen/ was der
selb stern vns irdischē creaturē kunfftiglich in dē ior M.CCCC
VII. vñ nochuolgend etliche zeit anzeigen vñ beteuten ist/ vß dz
du vñ ander menschen sich seiner influß vñ wircklichkeit fursehē
vnd bewaren mögent. wie wol sollichz zūbeschēhē nit bezwung-
lich/ sunder allein neiglich. vnd ein yder weiser vber das gestirn
herrschen mag noch dem spruch Prolemei ꝛc. Vnd wil zu dem er-
sten beschreiben dye geberung vnd vrsachen des selben Cometen
welch lange zeit gemeinē volck (das sich des verwundert) ver-
borgen gewessen ist. Zu dem andern wo er an dem hymel gesta-
den ist/ bei welchem zeichen/ vnd in welchem teil des ertrichs.
Zum dreyten von seiner beteutniß diessen vñnd ersten dyngen bez-
zeygen. Zum fynden die Sted vñnd gegens in welchen sein wirck-
lichkeit erscheinen wirt.

Das Erst Capitel sagt vñ geberüg
des Cometen/ vnd vß was materig ein Comet entspring.